

Broj: 02-11-8904/24 -1
Mostar, 17.05.2024. godine

Na osnovu članak 43. Statuta Grada Mostara («Gradski službeni glasnik Grada Mostara», broj: 4/2004 i «Službeni glasnik Grada Mostara», broj: 8/2009 i 15/2010) i članak 3. Odluke o načinu odabira projekta nevladinih organizacija po LOD metodologiji («Službeni glasnik Grada Mostara», broj:23/21), Gradonačelnik Grada Mostara, raspisuje:

JAVNI POZIV NEVLADINIM ORGANIZACIJAMA ZA PREDAJU PRIJEDLOGA PROJEKATA KOJI ĆE SE FINANCIRATI IZ PRORAČUNA GRADA MOSTARA U 2024. GODINI

I PRIORITETNE OBLASTI I TEME

Grad Mostar (u daljem tekstu: Grad) poziva sva udruge i fondacije, odnosno nevladine organizacije iz Bosne i Hercegovine da dostave prijedloge projekata koji su u skladu sa razvojnim ciljevima Grada Mostara iz sljedećih prioriternih oblasti:

1. MLADI

- 1.1. Podrška unapređenju položaja mladih – kroz organiziranje obuka/treninga/radionica u cilju promocije voluntarizma i društveno korisnog i timskog rada;
- 1.2. Razvoj novih sadržaja za kvalitetnije provođenje slobodnog vremena (kulturni, sportski, ekološki, zabavni i drugi sadržaji za mlade);
- 1.3. Prednosti i nedostaci društvenih mreža kao i njihov utjecaj na mlade i prevencija cyber i ostalih vrsta nasilja među mladima i na mlade;
- 1.4. Projekti koji podstiču kreativno stvaralaštvo mladih, kroz kulturu i umjetnost;
- 1.5. Prevencija ovisnosti među djecom i mladima, promocija zdravih stilova života reproduktivnog zdravlja;
- 1.6. Projekti koji doprinose društvenom aktivizmu mladih u ruralnim sredinama.

2. NEFORMALNO OBRAZOVANJE I EDUKACIJA

- 2.1. Rad sa djecom i mladima s ciljem razvoja talenata, podrška u razvoju suvremenih tehnologija, robotike, programiranja;
- 2.2. Projekti koji uključuju osnaživanje mladih za aktivnosti vršnjačke edukacije ili solidarnosti prema mladima koji nemaju jednake uvjet za osobni razvoj (razvoj voluntarizma u oblasti neformalnog obrazovanja);
- 2.3. Edukacija roditelja, djece i mladih o prevenciji virtualnog- cyber nasilja;
- 2.4. Prevencija ovisnosti kod djece i mladih školskog uzrasta (kocka, nargila, video igrice, virtualna ovisnost, itd.);
- 2.5. Osiguravanje stručne pomoći i podrške djeci i mladima u riziku od neželjenog ponašanja, kao i unapređenje mentalnog zdravlja djece i mladih;
- 2.6. Podsticanje intelektualnih i drugih sposobnosti u skladu sa pojedinačnim potrebama i interesiranjima djece i mladih;
- 2.7. Podrška projektima poboljšanja inkluzivnog odgoja i obrazovanja djece i mladih sa teškoćama u razvoju i važnost rane intervencije;
- 2.8. Informiranje/educiranje roditelja djece romske nacionalnosti o obvezi i potrebi uključivanja djece u odgojno obrazovni sistem.

3. DRUŠTVENA KOHEZIJA

- 3.1. Projekti koji promoviraju zdrave stilove života i doprinose poticanju svijesti o značaju brige o zdravlju;
- 3.2. Projekti koji doprinose podizanju svijesti o zaštiti potrošača;
- 3.3. Projekti koji poboljšavaju život osoba sa invaliditetom;
- 3.4. Projekti koji doprinose potpori žrtvama nasilja u obitelji;
- 3.5. Unapređenje položaja građana i građanki kroz organiziranje obuka/treninga/radionica u cilju njihovog ekonomskog osnaživanja;
- 3.6. Projekti usmjereni na poboljšanje svakodnevnice osoba treće životne dobi kroz organizaciju edukativnih događaja, radionica, druženja i sličnih aktivnosti;
- 3.7. Projekti koji doprinose potpori marginaliziranim skupinama;
- 3.8. Pružanje psihosocijalne pomoći obiteljima osoba s invaliditetom.

4. RURALNI RAZVOJ I ZAŠTITA OKOLIŠA

- 4.1. Projekti koji podstiču unapređenje znanja i vještina mladih na tržištu rada;
- 4.2. Projekti koji rade na unapređenju sposobnosti mladih za istraživanje, razvoj i inovacije;
- 4.3. Projekti koji podstiču unapređenje znanja i vještina stanovništva u ruralnim sredinama sa posebnim naglaskom na poljoprivredu;
- 4.4. Projekti koji rade na podizanju svijesti i očuvanju i životne sredine.

II VISINA SREDSTAVA KOJA SE DODJELJUJE PO PROJEKTU

Sredstva za odobrene projekte iz utvrđenih prioritetnih oblasti trebaju iznositi od 5.000,00 KM do 15.000,00 KM po projektu.

Sveukupna planirana sredstava za Javni poziv planirana Budžetom Grada Mostara za 2024. godinu iznose 100.000,00 KM.

Grad zadržava pravo da se ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

III UČESNICI JAVNOG POZIVA

Učešće u ovom javnom pozivu je otvoreno, na jednakim osnovama, za sva formalno registrirana udruženja i fondacije, u skladu sa važećim zakonskim propisima u Bosni i Hercegovini, a u čijim organima upravljanja nisu zastupljeni uposlenici Grada Mostara, zatim vijećnici i članovi radnih tijela Gradskog vijeća Grada Mostara, koji učestvuju u postupku provođenja Javnog poziva (člana 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08).

Sva zainteresirana udruge i fondacije/nevladine organizacije detaljne informacije o uvjetima za prijavu i kriterijima za financiranje projekata mogu pronaći u **Smjernicama za podnositelje prijedloga projekta u okviru Javnog poziva namijenjenog za nevladine organizacije koja će se financirati iz Proračuna Grada Mostara u 2024. godini.**

IV RAZDOBLJE PROVEDBE PROJEKATA

Dužina trajanje svakog projekta može biti minimalno tri do maksimalno šest mjeseci u periodu od **početka rujna 2024. do kraja veljače 2025. godine**. Izabrani projekti trebaju se provoditi do kraja veljače 2025. godine. Potpisivanje Ugovora sa odabranim aplikantima očekuje se krajem mjeseca srpnja 2024. godine, te će aplikanti u skladu sa tim i planirati početak provedbe svojih projekata.

Projekti koji su dobili financijsku potporu Grada trebaju se provesti u skladu sa dostavljenim prijedlogom projekta i **LOD- metodologijom**.

Neće se financirati aktivnosti odobrenog projekta koje su financirane i provedene prije zaključivanja ugovora.

V LOKACIJA

Projekat mora biti implementiran na području Grada Mostara i za stanovnike grada Mostara.

VI BROJ PROJEKATA KOJE JEDAN PODNOSITELJ PRIJAVE MOŽE PREDATI

Podnositelj prijave može predati više od jednog projektnog prijedloga sa odvojenim prijavnim obrascima i dokumentacijom za svakog od njih, a financirat će se samo jedan uspješno ocijenjen i odabran projekat.

VII PREUZIMANJE DOKUMENTACIJE

Dokumentacija za prijavu na Javni poziv, može se preuzeti sa službene web stranice Grada: www.mostar.ba.

VIII EDUKACIJA O NAČINU PRIJAVLJIVANJA NA JAVNI POZIV

1. Informativni sastanak sa zainteresiranim nevladinim organizacijama „**Otvoreni dan**“ će biti održan **30. svibnja 2024.** godine u razdoblju od 10:00 do 11:00 sati u **prostorijama Grada Mostara, Ulica Kralja Tvrtka bb, (Đački dom) Grad Mostar.**

Potencijalni podnositelji prijave će tokom sastanka biti detaljnije upoznati sa pozivom, načinom prijavljivanja, kriterijima, itd.

Za zainteresirane predstavnike udruga i fondacija – nevladine organizacije planirane su **mentorske sesije** koji će biti organizirane u sklopu javnog poziva u slijedećim terminima:

2. **04.06.2024. godine u razdoblju od 10:00 do 11:00 sati**

3. **11.06.2024. godine u razdoblju od 10:00 do 11:00 sati i**

4. **19.06.2024.godine u razdoblju od 10:00 do 11:00 sati u prostorijama Grada Mostara, Ulica Kralja Tvrtka bb, (Đački dom) Grad Mostar. Od predstavnika nevladinih organizacija se očekuje da na mentorske sastanke dolaze sa pripremljenim nacrtima obveznih dokumenata po javnom pozivu.**

Prijave za učešće na Otvorenom danu i planirane termine za mentorske sesije su otvorene za udruga i fondacija – nevladine organizacije, koje se trebaju dostaviti dva dana ranije od dana održavanja istih, putem email adrese: mladi.nvo@mostar.ba.

Sva pitanja u vezi sa javnim pozivom se mogu postaviti putem e-mail adrese mladi.nvo@mostar.ba sa naznakom za Javni poziv do **19. lipnja 2024.** godine. Odgovori na upite će biti dostavljeni unutar do tri radna dana od primanja upita.

IX PREDAJA APLIKACIJA

Ispunjena aplikacija (sa potpunom zahtijevanom dokumentacijom) mora se dostaviti u dva (2) primjerka: u jednoj tiskanoj formi i u jednoj elektronskoj kopiji USB u zatvorenoj kuverti sa naznakom:

„ za Javni poziv nevladinim organizacijama za predaju prijedloga projekata koji će se financirati iz proračuna Grada Mostara u 2024. godini“

preporučenom poštom ili na **Pisarnici Grada Mostara** tijekom radnih dana (ponedjeljak-petak u razdoblju od 8:00-13:00), na sljedeću adresu:

Grad Mostar
Adema Buća br. 19
88 000 Mostar
Bosna i Hercegovina

Vanjska strana kuverte mora sadržavati: naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

X ROK ZA PREDAJU

Javni poziv će biti objavljen u sredstvima dnevnog informiranja i na web stranici Grada Mostara www.mostar.ba.

Rok za predaju aplikacija/prijava je **28 dana** od dana objavljivanja u sredstvima javnog informiranja, odnosno do **21.06.2024.** godine.

Aplikacije dostavljene nakon navedenog roka bit će razmatrane jedino u slučaju da poštanski pečat ukazuje na datum slanja prije zvaničnog isteka roka.

O primljenoj pošiljci u Gradu će se voditi uredna evidencija.

XI NAČIN OCJENJIVANJA PROJEKTNIH PRIJEDLOGA

Ocjenjivanje će izvršiti Povjerenstvo za ocjenjivanje i odabir projekata, koju će imenovati Gradonačelnik Grada. Rezultati po Javnom pozivu će biti objavljeni na web stranici Grada (www.mostar.ba), najkasnije **mjesec** dana od dana zatvaranja Javnog poziva.

Set dokumenata potrebnih za Javni poziv možete preuzeti na sljedećim linkovima:

1. PROJEKTNI PRIJEDLOG
2. PREGLED BUDŽETA
3. NARATIVNI BUDŽET
4. MATRICA LOGIČKOG OKVIRA
5. PLAN AKTIVNOSTI I PROMOCIJA
6. ADMINISTRATIVNI PODACI O APLIKANTU
7. FINANSIJSKA IDENTIFIKACIONA FORMA
8. IZJAVA O PODOBNOSTI
9. IZJAVA O PARTNERSTVU
10. LISTA ZA PROVJERU
11. SMJERNICE ZA APLIKANTE
12. CILJEVI ODRŽIVOG RAZVOJA



Dostaviti:

- Sekretarijatu/Tajništvu Gradonačelnika – za objavu u novinama i web stranici Grada Mostara
- Odjelu za organizaciju, pravne poslove, opću upravu i civilnu zaštitu i vatrogastvo,
- Odjelu za društvene djelatnosti.